



KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 1, No. 4

website: www.geocities.com/navaldiocese

Nobyembre 2004



Msgr. Filomeno G. Bactol

Mensaje

Kun ang bulan sa Oktobre mao ang bulan sa Santos nga Rosaryo, nan ang bulan sa Nobyembre mao usab ang bulan sa mga Igsuon nato nga Nangamatay. Gihandum

nato sila pinaagi sa atong Debosyon sa mga Kalag sa Purgatoryo aron nga matabangan sila pagkab-ot sa kaluwasan nga dayon.

Nindot kaayo nga pamalandongan ang atong padayon nga pagpakita sa atong dakong gugma sa mga nangamatay pinaagi sa atong mga pag-ampo ug maayong buhat. Kay dili ba sa dihang uban pa sila kanato ato silang gipakitaan ug samang pagmahal? Nan kana nga pagmahal wala matapus sa dihang mipanaw sila kundili nagpadayon pa gihapon. Ug ang pinakaanindot nga buhat sa pagmahal nga atong ikapakita kanila mao ang atong mga pag-ampo, ilabi na ang paghalad sa Santos nga Misa.

Mao nga sa inyong mga selda prayer meetings, palihug ayaw ninyo kalimti ang pag-ampo sa mga igsuon nato nga nangamatay. Kay sa atong pag-ampo kanila, sila usab magatabang kanato sa atong adlaw-adlaw nga kinabuhi. Ang mga merito sa ilang sakripisyo didto sa purgatoryo ila usab ihalad kanato kay dili naman sila makatagamtam niini. Sa maong paagiha, gihimaya ug gidayeg nato ang Dios tungod kay Siya man ang tuburan ug linugdangan niining tanan.

ANG GINOO MAGAPANALANGIN
KANINYO KANUNAY.

Bishop FILOMENO G. BACTOL, D.D.
ug mga Kaparian sa Naval



Pamalandong sa
EBANGHELYO

Nobyembre 7, 2004: Ika-32 nga Domingo
"Sulod sa Tuig"
Basahon: 2Mac 7:1-2.9-14/ 2Tes 2:16-3:5/
Lucas 20:27-38

Tema:

Sa paghinumdom sa makasubo ug makasakit nga dagway sa kamatayon, ang atong katilingban naggahin og dakong kaakuhan mahitungod sa kinabuhi human sa kamatayon. Kining paghisgot niini nagpahinumdom sa panaglalis tali sa mga Saduseyo ug sa mga Pariseyo sa panahon ni Jesus. Sa usa ka bahin niining panaglalis, ang mga Saduseyo nakiglantugi kang Jesus.

Sanglit mahigugmaon sa politika, ug konserbatibo sa relihiyon, kining mga Saduseyo naghupot sa karaang panghunahuna mahitungod sa usa ka mangitngit nga kinabuhi sa mga kalag didto sa "seol". Wala sila motuo sa pagkabanhaw sa mga minatay, nga giayo pagtudlo ni Moises, nagtuo sila nga ang pagkabanhaw walay kapuslanan nga binag-o. Niining espirituha ilang gisugilon kang Jesus ang usa niining katingalahang kaso nga malagmit gamiton sa mga anad sa lalis sa tanang panahon. Ginamit ang balaod nga ginganlan og "levirate", nga nagsugo nga ang usa ka tawo mamana sa biyuda nga walay anak sa igsoon, ilang gipalibog ang kaso aron paghimong kataw-anan sa teoriya nga ilang gisalikway.

Si Jesus nag-isa sa pangutana ngadto sa labing taas nga kahimtang sa bag-ong kalibutan sa pagkabanhaw, diin dili na kinahanglan ang pagminyo ug ang pagpanganak aron mabuhi. Ang atong kasinatian mahitungod sa Dios dili kutob ra sa mubo ug lumalabay nga panahon sa usa ka kinabuhi nga tawhanon.

"Basic Ecclesial Communities: A new way of being Church"

Sila nga nasinati sa presensya sa Dios sulod sa usa ka kinabuhi nga madunot, gitawag aron maglaum nga magpabilin sila diha sa usa ka presensya nga walay katapusan.

Pamalandong:

1. Unsa ang imong mahulagway diha sa gibasa?
2. Unsa ang mga kinaiya nga gipakita sa mga Saduseyo? Sa mga Pariseyo?
3. Unsay mensahe ni Jesus alang kanila ug alang kanato usab?

Nobyembre 14, 2004 : Ika-33 nga Domingo
 “Sulod sa Tuig”
 Basahon: Mal 3:19-20/ 2Tes 3:7-12/ Lucas 21:5-19

Tema:

Ang kanunayng paghisgot mahitungod sa katapusan sa kalibutan dili lahi sa atong panahon. Kita usab nahadlok sa mga kaguliyang ug kagubot sa uniberso. Ang disgrasya nga *atomic* nga nahitabo dunay dakong bahin niining hunahunaa sa umaabot. Labaw sa makausa dunay bag-ong magsusulat ug daghang mga sine nga nag-asoy sa katapusang mga hitabo ingon og ang katapusan sa kalibutan anaa na gayud sa duol.

Sa tanang edad dunay mga mananag-an sa katapusan sa kalibutan nga nagapahibalo sa kaduol na sa “*parousia*”o ang pagbalik sa Ginoo nga nagsukad sa mga gubat ug kaguliyang sa panahon. Ang posibilidad nga ang mga Kristyanos malimbongan tungod sa ilang mga panagna nakagubot na sa hunahuna ni Lucas. Iyang gibutang ang laing hunahuna sa Kristyanos nga pagbantay o pagtukaw.

Bisan ang pagkagun-ob sa templo sa tuig 70 ingon og nagpasidaan sa katapusan sa kalibutan, ang pagkagun-ob sa Jerusalem wala magdala sa katumanan sa panahon. Ang kinahanglan nga mag-una sa mga kagubot o mga disgrasya nga magpasidaan sa katapusan sa panahon mao ang panglutos batok sa mga tinun-an ni Jesus. Kining mga panglutos maoy maghatag og kahigayunan sa pagbansay sa pagpadayon nga mao ra ang makapadangat sa kinabuhi, kanang pagkamakanunayon diha sa pagtuo nga gikinahanglan sa bisan unsang panahon sa kasaysayan.

Pamalandong:

1. Unsay pulong diha sa gibasa nakapatandog kanimo?
2. Unsay imong gibati diha sa imong pagpamalandong niining maong pulong?
3. Unsay imong buhaton aron sa kanunay maandam ka sa pagbalik sa atong Ginoo?

Nobyembre 21, 2004 - Solemnidad ni “Cristo, Ang Hari”
 Basahon: 2Samuel 5:1-3/ Col 1:12-20/Lucas 23:35-43

Tema:

“**Kini mao ang Hari sa mga Judio**”. Diha kang Lucas kini yano, diha kang Markos ug Mateo kini maoy usa ka hinungdan sa silot, diha kang Juan kini maoy usa ka kasaysayan nga gilalis sa mga labawng pari. Pagkadakong kalainan nga anaa tali sa titulo ug sa talan-awon sa makaluluoy nga gilansang sa krus, tali sa kaluwasan nga gipaabot gikan kaniya ug sa katinuoran niining sinilotan nga tawo nga dili makahimo sa pagluwas sa iyang kaugalingon.



KATILINGBAN
 Ang akapul nga mensahe sa Basik Espiritual Community (BEC) sa parokya sa Makil

TEAM MINISTRY

Team Moderator: Bishop Filomeno G. Bactol, D.D.

Team Members: Fr. Marvyn A. Maceda
 Fr. Benjamin C. Pantas
 Fr. Jesus G. Ty
 Fr. Kenneth Hendricks
 Fr. Dario Bebillo

Editors:

Alfredo Paghubasan
 Jonnel Quilaneta

Writers/Researchers:

Salvador Castro Reymund Icaín
 Ramises Bongabong Linda Roldan
 Doxia Canonoy Necitas Casado
 Catalina Machete Gualberto Tonelete

Encoders:

Vinna Sabroso Sonia Pitao
 Josephine Romero

Circulation Managers:

Jorge Manco
 Danny Jayubo
 Jonnel Quilaneta
 Alfredo Olaer

Business Managers:

Rizalito V. Curso
 Conchita Calvez

Computer Specialist

Oscar O. Borrinaga

Alang kang Lucas, si Jesus diha sa krus nga nag-antus sa mga bugalbugal ug insulto, maoy tipo sa tawo nga gilutos, nga gimartir sa mga dautan, nga gipaantus sa ilang hagit kaniya. *“Kon ikaw ang hari sa mga Judio, luwasa ang imong kaugalingon”*. Pagpalutaw sa buhat sa duha ka kriminal nga nagalibot kang Jesus, si Lucas nagpakita sa duha ka pagpanan-aw nila sa Mesiyas. Ang usa ka tawo nagasilot sa iyang kaugalingon pinaagi sa pagpanamastamas niining kataw-anan nga Hari, ang usa miatubang niya pinaagi kang kinsa *“makabaton kita og kaluwasan, ang pasaylo sa atong mga sala”* (Col.1:4). Si Jesus nga sukad sa iyang tentasyon didto sa kamingawan, nagdumili pagpakita sa gahum alang sa iyang kaugalingon, nagapadayag nga makaluwas siya kanila nga mosalig kaniya, ***“niining adlaw uban ikaw kanako sa paraiso”***. ***“Kining adlaw”*** mao ang panahon sa gingharian nga presente na diha sa persona ni Jesus. Dinhi, sa tiilan sa krus, ang pagka-Ginoo ni Cristo migamot.

Pamalandong:

1. Unsay imong mahulagway diha sa gibasa nga ebanghelyo?
2. Unsang pulong ang nakapatandog kanimo?
3. Alang kanimo, unsa ang hagit ni Jesus sa iyang pag-ingon: “Sultihan ko ikaw, karong adlaw adto ka sa Paraiso uban kanako”.
4. Sa unsang paagi imong gipakita nga si Kristo Hari diha sa imong kinabuhi?

Nobyembre 28, 2004: Unang Domingo sa Adbiyento
Basahon: Isaias 2:1-5/ Roma 13:11-14/ Mateo 24:37-44

Tema:

Hamubo nga panahon kining Adbiyento nga maoy mag-andam sa mga Kristyanos sa ilang pagsaulog sa Pasko sa Pagkatawo sa Ginoo. Pamati-on ta ang pasidaan ni San Pablo, *“Karon mao na ang panahon nga angay kamong magmata, kay mas duol na ang atong kaluwasan kay sa pagsugod sa pagtuo. Hapit na matapos ang kagabhion ug duol na ang kabuntagon”* (Roma 13:11-12).

Ang ebanghelyo karong Domingoha nagtudlo sa pagkamabinantayon.

Nagtug-an kini sa atong walay pagpangandam ug sa atong katanga. Sayop ug dili mao ang atong gipanagan-an. Gani sa panahon ni Noe, naghinobra ang mga tawo sa ilang pagsalig sa ilang kaugalingon. Padayon lang gihapon sila sa ilang negosyo. Mao nga natingala sila ug nakalitan sa pag-abot sa wala damhang kadaut.

Ang hulagway sa pag-abot sa Ginoo nga ingog kawatan sa kagabhion nagpadayag lang sa dakung panginahanglan sa kanunayng pagkamabinantayon. Sa matag hugna sa kasaysayan, ang Simbahan anaa sa kakuyaw sa pagbali-wala kaniya nga nagtuktok sa pultahan. Ang Simbahan baya mao ang gisangonan sa pagpahimatngon sa mga Kristyanos sa tawag sa Espiritu Santo.

Karong panahona, ang Simbahan ug ang tanang Kristyanos kinahanglan mobuhat sa iyang tahas isip propeta diha sa iyang pagharong sa nahikatulog nga kalibutan. Magkinabuhi unta kita ingog mga tawo nga andam nang makig-atubang sa hukom inig-katapos sa atong kinabuhi ug sa kalibutan.

Pamalandong:

1. Unsang pulong diha sa ebanghelyo ang labing nakapatandog kanimo? Nganong natandog ka man?
2. Unsay imong bati-on kon pagahisgotan ang mahitungod sa katapusan sa kalibutan o pagbalik sa atong Ginoo?
3. Unsa ang pagpangandam nga imong gihimo alang sa pag-abot sa Ginoo?

“Busa kamo usab kinahanglan nga mag-andam kanunay, kay moabot ang Anak sa Tawo sa takna nga kamo wala magpaabot Kaniya”.

Alang Sa Imong Kasayuran:

Total Population of Naval: 37,898 (Year 2000)
No. Roman Catholic: 34,144 (90%)

Total Population Biliran Province: 140,174
No. of Roman Catholic: 122,009 (87%)

(Source: NSO 2000)



KORONASYON SA BEC QUEEN 2004: *Gikoronahan nila Msgr. Filomeno G. Bactol ug Sis. Rose Bagalay si Thelma Castin isip BEC Queen 2004 atol sa gibuhat nga BEC Night niadtong Oktubre 1, 2004. Ang 1st runner-up: Sis. Crisantema Pastor (right); 2nd runner-up: Sis. Felecitas Pitao (left); 3rd runner-up: Sis. Rosita Maranga; 4th runner-up: Sis. Susan Docallos.*

(REYMUIND ICAIN)

CBHPS Gibuhat

ni PFT Sonia S. Pitao

Ang Social Action Center sa Diocesis sa Naval nagpasiugda ug usa ka Community Based Health Program Seminar niadtong Oktubre 20-22, 2004 didto sa Villa Laurena, Brgy. Atipolo, Naval. Ang panuyo sa maong pagbansay mao ang pagtudlo sa mga miembro sa PFT sa pamaagi unsaon paghimo ug tambal nga nagagikan sa mga tanum o herbal medicine.

Ang namulong sa maong seminar mao si Mrs. Bernadette Gador, usa ka registered nurse ug kasamtanagang Project Officer sa Social Action sa Diocesis sa San Carlos.

Moabot sa 35 ka partisipante ang ningtambong nga nagagikan sa lima ka parokya apil na ang Naval. Kining ilang nakat-unan ilang ipaambit usab didto sa mga intresadong miembro sa BEC.

2 ka BEC Natukod

Laing duha ka BEC communities natukod sa Parish Formation Team sa parokya sa Naval. Kini human himoa ang Basic Orientation Seminar (BOS) sa duha ka grupo sa PFT. Usa niini mao ang BEC sa Brgy. P.I. Garcia (Lower Ilaya) diin ilang gipatigayon ang BEC-BOS niadtong Oktubre 21-27. Napili isip BEC president mao si Sis. Ruby Adodo. Gibuhat ang graduation ug pagpanumpa sa katungdanan sa mga opisyaes atubangan ni Rev. Fr. Dario Bebillio didto sa Apostolic Center sa petsa 28 sa Oktubre.

Dungan usab sa maong adlaw ug petsa, gipahigayon sa usa ka grupo sa PFT ang BEC-BOS didto chapel sa Brgy. Smo. Rosario. Ang napili nga presidente mao si Sis. Betty Cornito. Ang pagpanumpa sa katungdanan gibuhat atubangan ni Rev. Fr. Marvyn Maceda.

Sa kasamtangan, moabot na sa 48 ka BEC ang natukod sukad gisugdan sa parokya ang maong kalihukan niadtong milabay nga tuig.

ANG NICENE CREED

NAGATOO KAMI SA USA KA DIOS...

ANG AMAHAN, ANG MAKAGAGAHUM SA TANAN, MAGBUBUHAT SA LANGIT UG SA YUTA, UG SA TANANG MGA MAKITA UG DI MAKITA.

NAGATOO KAMI SA USA KA GINOO, SI JESU-CRISTO, ANG BUGTONG ANAK SA DIOS, GIANAK SA AMAHAN SA WALA PAY KATUIGAN, DIOS GIKAN SA DIOS, KAHAYAG GIKAN SA KAHAYAG, MATUOD NGA DIOS GIKAN SA DIOS NGA MATUOD, GIANAK, DILI BINUHAT USAG KINAIYA SA AMAHAN. PINAAGI KANIYA NANGAHIMO ANG TANAN. TUNGOD KANATONG MGA TAWO UG ALANG SA ATONG KALUWASAN MIKANAOG SIYA GIKAN SA LANGIT, (YUKBO DINHI) SA LALANG SA ESPIRITU SANTO NAHIMO SIYA NGA MAY LAWAS GIKAN NI MARIA NGA ULAY UG NAHIMONG TAWO. TUNGOD KANATO GILANSANG SIYA SA KRUS SA SUGO NI PONCIO PILATO: NAG-ANTUS SIYA, NAMATAY UG GILOBONG. SA IKATULONG ADLAW NABANHAW SIYA ARON MATUMAN ANG KASABUTAN. MISAKA SIYA SA LANGIT UG NAGALINGKOD SA TOO SA AMAHAN. MOBALIK SIYA NGA MAHIMAYAON ARON PAGHUKOM SA MGA BUHI UG SA MGA MINATAY, UG ANG IYANG GINGHARIAN WALAY KATAPUSAN.

NAGATOO KAMI SA ESPITIRU SANTO, ANG GINOO UG ANG MAGHAHATAG SA KINABUHI. NAGAGIKAN SIYA SA AMAHAN UG SA ANAK. DUNGAN SA AMAHAN UG SA ANAK GISIMBA SIYA UG GIHIMAYA UG MISULTI PINAAGI SA MGA PROPETA.

NAGATOO KAMI SA USA, SANTOS, KATOLIKO UG APOSTOLICO NGA SIMBAHAN. NAGAILA KAMI SA USA KA BUNYAG ALANG SA KAPASAYLOAN SA MGA SALA. NAGAPAABOT KAMI SA PAGKABANHAW SA MGA MINATAY, UG SA KINABUHI SA UMAABOT NGA KALIBUTAN.

AMEN.



MAÑANITA SONG

HOW BEAUTIFUL IS THE MORNING
AS WE COME AND WAKEN YOU
WITH GOD'S EARLY MORNING BLESSING
WITH PLEASURE WE SING TO YOU.

ON THE DAY THAT YOU WERE BORN
THE FLOWERS CAME INTO BLOOM
AND AT THE BAPTISMAL FONT
ALL THE SAINTS BROUGHT FORTH THEIR
SONG.

THE DAWN IS NOW APPEARING
THE RAYS OF THE SUN BREAK THRU
ARISE EARLY THIS BRIGHT MORNING
AS WE SING "HELLO" YOU YOU

HOW I WISH I WERE ST. PETER
HOW I WISH I WERE ST. JOHN
AS WE BRING THIS SALUTATION
IN THE VERY EARLY DAWN.

FROM ALL THE STARS IN THE HEAVENS
HOW I WISH I COULD GET YOU TWO
ONE TO TELL YOU GOOD MORNING
AND ANOTHER TO TELL YOU GOOD NIGHT.

WITH A BOUQUET OF CARNATION
WE HAVE COME TO SING OUR SONG
AND MAKE YOUR DAY FULL OF COLOR
SO THAT YOU MAY CARRY ON.

THE DAWN IS NOW APPEARING
THE RAYS OF THE SUN BREAK THRU
ARISE EARLY THIS BRIGHT MORNING
AS WE SING "HELLO" TO YOU...

DE COLORES

DE COLORES, DE COLORES
SE VISTEN LOS CAMPOS EN LA PRIMAVERA
DE COLORES, DE COLORES
SON LOS PAJARITOS QUE VIENEN DE FUERA
DE COLORES, DE COLORES
ES EL ARCO IRIS QUE VERNOS LUCIR

Y POR ESO LOS GRANDES AMORES
DE MUCHOS COLORES ME GUSTAN A MI
Y POR ESO . . .

CANTA EL GALLO, CANTA EL GALLO
CON EL KI RI KI RI KI RI KI RI KI RI
LA GALLINA, LA GALLINA
CON EL KA RA KA RA KA RA KA RA KA RA
LOS POLLUELOS, LOS POLLUELOS
CON EL PLOPIO PLOPIO PLOPIO PLOPIO PLOPIO

A VERY SPECIAL DAY

FILL THE AIR WITH SONG OF CHEERS
WITH VOICES LOUD AND CLEAR
PEOPLE AROUND YOU,
ARE PEOPLE WHO LOVE
LOVE IN A SPECIAL WAY.

SO BEFORE WE SAY GOOD-BYE
GIVE US YOUR BIG, BIG SMILE
BRIGHTEN UP LET'S ALL BE GAY
IT'S A VERY SPECIAL DAY.
BRIGHTEN UP LET'S ALL BE GAY
IT'S A VERY SPECIAL DAY.

EVERYBODY JOIN THE FUN
FOLLOW AND LEARN THIS DANCE
ARMS STRETCH TOGETHER
AND TOUCHING THE SHOULDERS
THE NEXT AFTER YOU IN LINE.

ONWARD MARCH IN SINGLE FILE,
FOLLOW THE BEAT WITH STYLE
BRIGHTEN UP LET'S ALL BE GAY
IT'S A VERY SPECIAL DAY
BRIGHTEN UP LET'S ALL BE GAY
IT'S A VERY SPECIAL DAY.

Gitik-gitik sa Kinabuhì

*Ang bana tikamatay na, ug diha
sa iyang katapusang gipangayo, siya
miingon sa iyang asawa...*

Bana: Honey, gusto nako
mokaon sa bibingka..kadtong
imong giluto ganina!

Asawa: Uy, ayaw intawon, Dong,
kay para na sa maglamay
sa imo unya!

Titser: Class, wala ba mo maglibog
ug giunsa paggawas sa piso
diha sa itlog?

Bata: Wala mam!

Titser: Ngano man?

Bata: Ang akong gikalibugan kung
giunsa sa piso pagsulod sa
itlog!

*Gikan pa sa layong dapit nga
nagpasa-an ang upat ka tawo sa
lungon sa ilang higalang namatay.*

Tawo 1: Modiskanso una ta! Atong
ibutang ang lungon diha
tunggod sa tindahan.

(Ang patay nga nakabati miingon...)

Patay: Uy! ayaw intawon mo diha ug
undang kay duna ra ba ko'y
utang nianang tindahana,
tingali ug suktan ko!

Pasyente: May mahimo ka ba aron
motaas ning akong ilong?

Doktor: Duna! Pero mogasto ka pa
ug labing minos... dyes mil!

Pasyente: Wa na bay mas barato pa
niana?

Doktor: Duna! Ibangga lang ang
imong nawong sa poste,
sigurado motaas ang imong
ilong!

*(Nagpahigayon ug praktis ang choir.
Pwering sukua sa ilang maestro kay
sintunado man ang tuno. Dihang
natino na niya diin dapita sa grupo
ang nayabag, siya misinggit.)*

Maestro: Mayong, nayabag ka!

Si Lando nga tupad ni Mayong na
lang ang mitubag.

Lando: Absent man si Mayong, Sir!

Maestro: Sigi, kung motungha ngani
siya, ingna nga yabag siya!

Greeting from:

Parish Formation Team

Internet:

www.geocities.com/navaldiocese

E-mail: becpft@yahoo.com

Mga pagtuluna-an luyo sa SUGILANON

Dihay usa ka tawo nga mipalit ug bulak sa usa ka flower shop. “*Day papalita ko ug usa ka punpun sa mga rosas kay birthday karon sa akong nanay,*” miingon siya sa tintera. Human niya kabayari, mitugon siya sa tintera: “*Day, ako ning ipa-deliver ha asa inyong special delivery service. Unya kinahanglan ang modeliver singing messenger aron iya na la pud kantahan si Nanay ug happy birthday.*”

Human niini, moaksyon na unta siya ug gawas sa tindahan sa diha namatikdan niya ang usa ka batang lalaki nga didto sa daplin sa tindahan nag-ihap ug mga sensilyo. Nakita niya nga kahilakon ang mga mata sa bata. Miduol siya ug iyang gipangutana: “*Dong, nganong kahilakon man ka?*” Mitubag ang bata: “*Sir, birthday man gud sa akong Nanay karon ug gusto*

unta ko mopalit ug bulak para niya, pero kulang man akong sensilyo...” Ug wala pa gani makahaman ang bata sa pagasulti, mitulo na ang iyang luha.

Natandog ang lalaki ug iyang gitagaan ug kwarta ang bata aron ipalit sa bulak. Migawas siya ug misakay sa iyang sakyanan. Wala madugay nahiagi siya sa usa ka sementeryo. Milingi siya padulong sa sementeryo ug nakita niya kadtong bata nga didto sa flower shop nagluhod na sa usa ka lubnganan daladala ang bulak. Miduol siya sa bata ug nangutana: “*Dong, birthday man kaha sa imong nanay? Nganong nia manka sa sementeryo?*” Mitubag ang bata: “*Birthday bitaw ni Nanay karon Sir. Unom na ka bulan sukad siya namatay.*”

Salamat sa imong tabang Sir ha.”

Pagkadungog niini sa tawo, nakahilak siya. Midali siya pagbalik sa flower shop ug gipangutana ang tintera: “*Day, nadeliver na nimo ang bulak para sa akong nanay?*” Wala pa Sir! Ang tawo miingon: “*Ikansel na lang ang delivery, Day. Ako na mismo ang maghatag niini sa akong Nanay. Ako na sad ang mokanta niya ug happy birthday.*”

PAGTULUN-AN :

Nagmahal ka ba sa tinuoray? Nahatag mo ba kini nga pagmahal sa adlaw-adlaw? O gihulat pa ba nimo nga mamatay ang imong mahal sa kinabuhi aron ikaw makapakita sa pagmahal?

*Lagmit nga daghan kag bulawan ug bantogan,
Apan sa mata sa Dios ikaw kabos;
Siya nga nakaangkon kang Cristo
Matuod nga bahandianon taliwala sa kakulangan*



BEC MONTHLY FELLOWSHIP: *Kuha atol sa BEC Monthly Fellowship didto sa Brgy. San Pablo (host BEC) niadtong Oktubre 16, 2004. Gibuhat usab ang susamang kalihukan didto sa Barangay Hall sa Ilaya niadtong Oktubre 17, 2004.*

(PICTURE COUTESY OF BRO. TEOFILO LEONES)

BEC Bulletin

BEC MONTHLY FELLOWSHIP

November 20, 2004 (3rd Saturday)

Host Area: BEC Villacaneja

Venue: Villacaneja Chapel

November 21, 2004 (3rd Sunday)

Host Area: BEC Sitio Lupa

Venue: Sitio Lupa Chapel

BEC ANNIVERSARIES

BEC Catmon

November 25

BEC Caraycaray - Zone 2

November 29